

Ny Baiboly ho an'ny ankizy
dia manolotra



Jesoa nifidy
ny mpianatra
roambinifolo
lahy



Nosoratan'i: Edward Hughes

Sarin'i: Byron Unger; Lazarus

Nampifanarahin'i: E. Frischbutter; Sarah S.

Nadikan'i: Fikambanana "Ndao mba hiaraka aminay"
na association "Allons ensemble" FJKM Nazareta
Amborovy Mahajanga Madagascar

Alastair Paterson

Novokarin'i: Bible for Children
www.M1914.org

©2020 Bible for Children, Inc.

Azo atao ny fandikana na fakana ity tantara ity
nefa tsy ho amin'ny fitadiavam-bola.



Be dia be ireo fahagagana nataon'i
Jesoa. Nanasitrana ny marary Izy.



Nanala ny aretina, ny fangirifiriana sy ny rofy rehetra, nampianatra sy nitory ny tenin'Andriamanitra.



Vahoaka betsaka no nanatona an'i
Jesoa mba ho ampiany sy
ho sitraniny.



Nanapa-kevitra ny
hifidy roambinifolo lahy
amin'ireo olona ...



... nanaraka Azy foana ireo
Jesoa, mba hanampy Azy amin'ny
asan' Andriamanitra.



Mivavaka
amin'Andriamanitra
ve ianao, rehefa
misy fanapahan-
kevitra lehibe
raisinao?




Izany no
nataon'i
Jesoa!



Nankany
an-tendrombohitra
Izy, naka toerana
mangina ary
nivavaka
tamin'ny Rainy.
Mandra-paha
maizina ny andro.



A man with a beard and long hair, wearing a white robe, is kneeling on a grassy hill. He has his hands clasped in front of him and his eyes are closed, appearing to be in prayer. The background is a dark purple night sky with a large, bright white full moon and several yellow four-pointed stars. The foreground shows green grass and brown hills.

Ary dia mbola
nivavaka ihany
koa izy nandritra
ny alina.




Rehefa maraina, niantso ny namany
Jesoa - ireo tena nanaraka
sy nankato Azy foana.



Nisafidy roambinifolo tamin'ireo
namany ireo Izy mba ho
mpianany.




Ny roa voalohany nofidian'i Jesoa
dia mpirahalahy, Simona Petera sy
Andrea. Nilaozan'izy ireo ny
haratony rehefa



niantso
azy ireo
Jesoa hanaraka
Azy.



Jakoba sy Jaona,
zanak'i Zebedio, koa
dia nandao ny lakany.



Jesoa koa dia nifidy an'i Filipo,
Bartolomeo, Matio sy
Tomasy, Simona
Kananeana, ...



... Jaona zanak'i Alfeo, Jodasy,
rahalahin'i Jakoba, ary
Jodasy Iskariota,
ilay hamadika
Azy.



Nampianatra azy ireo Jesoa fa
ny fankatoavana ny
Teniny dia tahaka
ny manorina
trano eo



ambony
vatolampy.




Ka na dia ny tafio-drivotra
faran'izay
mafy aza tsy
hahavita
handrodana



izany trano
izany.



Ny tsy fankatoavana an'i Jesoa kosa dia tahaka ny manorina ny trano eo ambony fasika. Ka rehefa avy ny tafio-drivotra, dia mianjera ny trano.



Tsy mora ny
manatanteraka
ny baikon'i Jesoa
sasantsasany.



"Raha misy olona mamely tehamaina
ny takolakao ankavanana,
omeo azy koa ny
ankavia" hoy Jesoa
tamin'izy
ireo.



"Tiava ny fahavalonareo".



Ny olombelona dia mila ny
fanampian'Andriamanitra
mba hahafahany miaina
tahaka an'i
Jesoa.



Jesoa koa dia
nanoro azy ireo mba
hivavaka mangina -
tsy hisehoseho ...



... eny imason'olona
tahaka ny fanaon'ny
mpitondra fivavahana
sasany.



Nilaza koa i Jesoa
fa Andriamanitra
dia hanome sakafo sy
hampitafy ireo izay
mino Azy.



Ary satria
Andriamanitra
manome sakafo
ny vorona, ...



... mampamelana
ny voninkazo ary
mampaniry ny hazo, ...




... dia tokony
hatoky Azy ny
vahoakany amin'ny
fikarakarany azy.



Tamin'io andro io, dia nampianatra zavatra maro ny mpianany Jesoa.

Rehefa vitany izany, nisy lehilahy boka iray nanatona Azy ka nangataka taminy mba hositrany.







Ary
Jesoa niteny
tamin'ilay
boka hoe:
"Manaiky aho.
Mahadiova
ianao."




Raha
mbola variana
nijery iny ny
mpianatra, ...




... poa toa izay
afaka tamin'ilay
lehilahy ny
habokany.
Sitrana izy!



Ny zanak'Andriamanitra
irery no afaka manao
fahagagana
toy izany.



Fantatry
ny mpianany
fa i Jesoa dia
Tompo tsara sy
lehibe tokoa.



Jesoa nifidy ny mpianatra
roambinifolo lahy

Tantaran'ny Tenin'Andriamanitra,
ny Baiboly,

Tao amin'ny bokin'ny

Matio 4-7, Marka 1, Lioka 6

"Ny fanambaràn'ny teninao dia
manazava." Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.



Raha te-hibebaka hiala
amin'ny fahotanao ianao, dia izao
no afaka lazainao amin'Andriamanitra:
Ry Andriamanitra ô, mino aho fa maty ho ahy
Jesosy, ary velona Izy ankehitriny. Miangavy
Anao aho, Tompo ô, midira ao amin'ny fiainako,
ary mamelà ny heloko, mba hahazoako fiainan-
baovao, ary ho avy ny andro handehanako eny
Aminao ho mandrakizay. Ampio aho ho velona
ao aminao, tahaka ny Zanakao. Amena.

Vakio ny Baiboly ary miresaha
amin'Andriamanitra isan'andro!
Jaona 3.16

